

(:)<sup>2r</sup>

---

Dem fonders Ehr̄  
wûrdigen/ Edlen/ vnd  
hochgelehrten Herrn Wil̄  
helmo Weilhaimer/ der heyligen  
Schrift Doctori/ Thumdech̄  
auff dem berühmten Hochftift  
Regenspurg/ 7c. meinem gnē  
digen Herrn.

Sonders Ehr̄  
wirdiger/ Ed  
ler/ Hochgē  
lehrter/ gnediger Herr/  
es ſpricht d<sup>9</sup> heylig Mar̄  
tyr Cyprianus: Nec lī  
lia, nec rofæ defunt. Pax &  
acies habent flores fuos.

(:) ij      Ju

(:)<sup>2v</sup>

---

Epiftola

In der wahren Kirchē  
Gottes finden ſich al-  
lezzeit fo wol Lilien als  
Rofen. Die Zeit deß  
Friedens bringt jhre  
Blumē/ fo bringt auch  
die jhren/ die Zeit deß  
Streits. Die Lilien  
werden recht vnd wol  
geneñt alle die jenigen/  
welche in einem heyli-  
gen/ vnſchuldigen/ rei-  
nen Lebē Gott dienen/  
vnd den Paradeißgar-  
ten der Kirchē Gottes  
zieren in dem Frid deß  
weit- fort gepflantzten  
Chriftlichē Glaubens.

Durch

(:)<sup>3r</sup>

---

Dedicatoria.

Durch die Rofen aber  
verftehe ich die jeni<sup>s</sup>  
gē/ die vor Lieb/ gleich  
wie die glüenden Ro<sup>s</sup>  
fen brinnen/ vnnd den  
Glauben befettigen/  
entweders mit jhrem  
eygnen inn der Marter  
vergoßnen Blut/ oder  
aber mit inbrünftigen  
Geiftreichen Schriff<sup>s</sup>  
ten vnd Büchern/ mit  
denen fie fich den Ty<sup>s</sup>  
rannen vnnd Ketzern  
entgegen wid<sup>9</sup>fetzen/ vn̄  
geben alfo folche Ro<sup>s</sup>  
fen einen lieblichen Ge<sup>s</sup>  
ruch weit vnnd breit

(:) iij von

(:)<sup>3v</sup>

---

Epiftola

von flich. Deren Lilien  
vnnd Rofen ift allzeit  
inn der Kirchen GOt-  
tes ein fchöne groffe  
Anzahl geweft/ vn-  
ter welchen fonderlich be-  
rühmbt wirdt dife rei-  
ne Gilgen/ vnnd wol-  
riechēde Rofen/ nemlich  
d<sup>9</sup> heylig Vincentius Li-  
rinenfis/ der von ed-  
lem Staḡen hochge-  
born/ mit groffe Wür-  
den inn der Welt be-  
ehret/ hat er den zeitli-  
chen Pracht vmb der  
Lieb CHRifti willen/  
vn-ter die Füß getret-  
ten/

(: )4<sup>r</sup>

---

Dedicatoria.

ten/ vnnd GOTT inn  
dē Lirinenfifchen Klo-  
fter gedient/ vnnd ein  
warhaffte reine Lilien  
inn dem Paradeißgar-  
ten deß Geiftlichen  
Standts wordē. Deß-  
gleichen auch fich den  
Kettern Mannlich wi-  
derfetzt/ vn̄ den Grund  
der Catholifchen War-  
heit befchützt/ wie dañ  
diefes Büchlein gnug-  
fam außweifet/ in wel-  
chem fo ftattlich ange-  
zeigt wirdt/ wie man  
die Rappeneyr vnnd  
Ketzerbrut foll erken-  
(: ) iiij    nen/

(:)<sup>4v</sup>

---

Epiftola

nen/ wann fie schon  
vntergelegt vnnd mit  
mancherley falſchem  
Schein für Warheit  
feil gebotten werden.  
In dieſem Büchlein iſt  
die eygentliche Contra  
fey vnd Entwerffung  
aller ſo wol der alten  
als newē jetzt enttan-  
denen Ketzereyen. Die-  
weil nun diß köſtlich  
Büchlein ſo fehr begert  
wirdt/ hab ichs zu Gu-  
tem vnnd Trofk aller  
from̄en Chriſten wöl-  
len inn gelegner Form  
verfertigē/ damit auch  
die

(: )5<sup>r</sup>

---

Dedicatoria.

die der Lateinifchen  
Sprach vnerfarē feyn/  
folches Schatzes nicht  
lenger entrateten. Dꝛ  
ich aber folches Ewer  
Gnadē dediciert/ hab  
ich meines erachtēs gu  
te Vrfachen. Dañ die  
weil E. G. Tugent vñ  
Eyfer in Außbreitung  
Göttlicher Ehr jeder  
meniglich bekañt ift/  
fo hat es fich auch ge  
büren wöllen/ daß di  
fer heylige Lehrer Vin  
centius vnter dē ſchutz  
E. G. weitberümbten  
Namen in Truck auß  
(: ) v ge

(: )5<sup>v</sup>

---

Epiftola

gefertigt wurd. Hat  
ſich auch in allweg ge  
büren wollen/ daß ich  
E. G. fond<sup>9</sup>s mit Gna  
den geneigten Willen  
erkennte. Darumb ich  
dañ diß Wercke E. G.  
darftelle als einen Zeu  
gen meines danckbaren  
Gemüts/ dz ich die er  
wißne Gutthaten er  
kenne vnd gantz vnter  
thenig mich bedancke.  
Bitt E. G. wölle dieſe  
Schancküg alfo im be  
ftē/ wie ichs vermeint/  
auffnemen/ vnnd mich  
mit ſamt den meinigen  
jme

(: )6<sup>r</sup>

---

Dedicatoria.

ihme gnedig laffen be  
fohlen feyn. Der gütig  
Gott bewahr E. G. in  
langwiriger Gefundt  
heit/ zu nutz feiner hey  
ligen Chriftlichen Kir  
chen. Datum Ingol  
ftadt den 24. Augufti  
Anno 1602.

Ewer Gnad:

vnterthenigft Gehorfamer  
Andreas Angermayer\*

(: )vj Vor

(:)<sup>6v</sup>

---

Vorrede.

Deut. 32. ES meldet vnd  
vermät die H.  
Schrift/ fra<sup>z</sup>  
Prou. 22. ge deinen Vatter/ der  
würdet dirs fagen/ dei<sup>z</sup>  
ne Eltften die werden  
dirs verkündten. Vnd  
abermalē. Mein Kind  
neige deine Ohren/ vnd  
hõre die Wort der Wei<sup>z</sup>  
fen. Jtem mein Kindt  
vergeffe meines Gefē<sup>z</sup>  
tzes

(: )7<sup>r</sup>

---

Vorredt.

tzes nit/ vnd dein Hertz  
behüte meine Gebott.  
Welchem nach ich/ als  
der geringste Frembd-  
ling vnter den Dienern  
deß HErrn/ nit vnbil-  
lich dafür halte/ es  
foll/ mit Verleyhung  
göttliches Beyftands/  
ohne mercklichen Nutz/  
vnd Gedeyen nicht ab-  
gehn/ wo ich das jeni-  
ge/ fo ich von den lieben  
Vättern durch getrewe  
Vbergab empfangen/  
von wegen eygner Ge-  
brech-

Prou. 3.

(:)<sup>7v</sup>

---

Vorrede an den  
brechlichkeit in Schrift  
verfahte/ damit also mei  
ner selbs ſchwachē Me  
mori durch embfiges  
lefen etwas gerathen  
vnnd geholffen werde/  
darzumich dann nit al  
lein diß nutzliche Werck  
vnnd deffelben Frucht  
vñ Nutzbarkeit/ ſonder  
auch die Gelegenheit d<sup>9</sup>  
Zeit/ vnd Orts verur  
ſacht/ vnd zwar die Zeit  
darumben/ daß/ alles  
was Menſchlich mitler  
weil von denfelben ver  
zehrt

(:)<sup>8r</sup>

---

Chriftlichen Lefer.  
zehrt vnd hinweg gerif-  
fen würdet/ wie wir hin-  
gegen auch der felben et-  
was abziehen vnd hin-  
weg nehmen/ fo zu künff-  
tigen ewigen Leben vnd  
Seligkeit fürderlich vñ  
erfprießlich feyn kan/  
fonderlich weil beede die  
fchröckliche Erwartung  
deß zunahendē geftren-  
gen Vrtheyl GÖttes/  
dergleichen GÖttliche  
betracht/ vnd Vbungē  
höchlich erfordern/ Alfo  
auch die entftehenden  
ver-

(: )8<sup>v</sup>

---

Vorrede.

verführriſchen Secten  
vnd Ketzerereyen/ mit ſon-  
derm Auffmerckens/  
Sorg vnd Fürfehung  
wol bedörffen. Dann  
daß auch zum andern  
d<sup>9</sup> Ort vñ Platz/ vnferer  
von den Stätten/ vnd  
menige deß Volcks ab-  
gefonderten ſchlechten  
Clöfterlichen Einfame  
ohne allen vnruhigen  
Vberlauff zu dem An-  
leittung gibt/ was im  
Pfalm gefagt würdet.  
Seyt ruhig/ vnd erken-  
net

(: )9<sup>r</sup>

---

Chriftlichen Lefer.

net daß ich GOTT bin.  
Ohne das zum dritten  
vnfer new fürgenomē  
ner Stand vnd Wan  
del mit difem vnfern  
Fürhaben vnd Jnten  
tion wol zuftimbt. Als  
der ich mich nun letztlich  
nach Göttlicher Schi  
ckung vnnd Ablegung  
weltlicher Kriegßvbüg/  
mit denen ich etwa vor  
der Zeit in mancherley  
trawrige Weg behafft  
geweft/ in denfelbē Port  
geiftliches Ordens zu  
dem

Pfal. 45.

(: )9<sup>v</sup>

---

Vorrede an den  
dem End begeben hab/  
damit diß zergänglich  
eytele Wefē/ weltliches  
Prachts vnd Hoffart  
abzulegen/ dargegen a<sup>r</sup>  
ber dem allmächtigen  
Gott ein Opfer/ Chrift  
licher Demut auffzu<sup>r</sup>  
opffern/ vnd alfo hier<sup>r</sup>  
durch nit allein die ge<sup>r</sup>  
fehrliche Anftöß/ gegē<sup>r</sup>  
wertiges Lebens/ fon<sup>r</sup>  
der auch vñ zugleich die  
betrachte j̄mer wehren<sup>r</sup>  
de hõllifche Pein zuuer<sup>r</sup>  
meyden. Komēn alfo zu  
gemel<sup>r</sup>

# (:)<sup>10r</sup>

---

Chriftlichen Lefer.  
gemelten vnferm Für-  
haben/ das ift: Wir ne-  
men nun für das jenig  
mehrs mit beglaub-  
ter Relatiō, als einiger  
angemaftē Præfūptiō,  
zubefchreiben was wir  
von vnfern lieben alten  
Vorfahren vñ Våttern  
empfangen/ doch daß  
felbig auch mit dē Ge-  
ding/ daß wir nit alles/  
vnd jedes/ fonder allein  
das nothwendigfte/ vñ  
zwar auch folches mit  
keiner fondern Zier vnd  
Schmuck/

# (:)<sup>10v</sup>

---

Vorrede an den  
Schmuck/ fonder leich-  
ten vnd schlechten Ein-  
falt der Rede/ allein  
Andeutungs weiß zu  
keiner weitleufftigen  
Außführung darbrin-  
gen. Andere die es durch  
erlangte Kunt/ oder  
Ampts halben zu thun  
vermögen/ mögens  
ftatlich vnd zierlich ins  
Werck richten/ mir fey  
diß Orts ein genügen/  
für mich felbft zuetwas  
Erfattung deß Ab-  
gangs meiner gebrech-  
lichen

## (: )11<sup>v</sup>

---

Chriftlichen Lefer.  
lichen Memori gleich  
ein Gedenckbüchlein zu  
famen gebracht haben/  
fo doch nach vnnd nach  
mit Wiederholung deß  
jeningen fo ich gelehret  
net/ vermittelt göttlicher  
Hülff/ erfetzt vnd  
erfattet werden mag/ vn̄  
fouil zur Vermahnung  
vnnd für Warnung/  
ob villeicht diß inn eyl  
außgefoßnes Büchlein  
etlichen heyligen  
Leutē in die Händ kommen  
würde/ daß fie daran

# (:)<sup>11v</sup>

---

Vorred an den Chriftlichen Lefer.

rā vermessentlich nichts  
tadlen wölten/ zumal  
weil sie sehen/ daß es  
an verheiffener künfftiger  
Besserung nicht  
mangeln soll.

Das

K5<sup>v</sup>

---

An den Chriftlichen  
Lefer.

WJe bequem vnd  
dienftlich diß klei-  
ne Büchlein zur De-  
fenfion der heyligen War-  
heit/ vnd entgegen zur Con-  
fufion vnd Befchämung de-  
ren/ fo fich von der Handt-  
hab vnnd Pfeiler der War-  
heit hindan gelaffen/ vnd jr  
Ifa. 28. v. 15. Hoffnung/ wie der Prophet  
lagt/ auff Lugen gefetzt/ be-  
zeugen nit allein die/ welche/  
als fondere Liebhaber der e-  
wigen Warheit/ folches mit  
luftiger Attention vñ Wol-  
gefallen/ offtermalē durch-  
lefen / vnd damit es in meh-  
rerley Sprachen vnd Orten  
gedruckt/

K6<sup>r</sup>

An den Chriflichen Lefer.

gedruckt/ nachgedruckt/ wider/  
 der/ vnd aber gedruckt/ zu jedermans  
 Händen kommen möchte/ guten Fleiß  
 vnd Förderung gethan: Sondern auch  
 die Warheitsfeindt selber/ welche  
 gleich daß ersten Anblicks so viel  
 an dem Buchlein ersehen/ daß sie  
 vermeint/ wo nicht von ftundan  
 Authoren vnd Buch mit Butz vnd  
 Stengel außgereut/ vnterdruckt  
 vnd vertilgt wurden/ ihre Spinnweben  
 vnd Lügenwerck neben so heller  
 Warheit beftehen solten/ wie Dagon  
 neben der Archen Gottes.

1. Reg. 5. V  
 3. & feq.

Vnd obwol jhr Wunfch vnd Mutwill/  
 so viel den Authorem belangt/ nit  
 leer  
 K vj fchla

## K6<sup>v</sup>

---

An den Chriflichen Lefer.

Ichlagen kundt/ weil jhnen  
das Thierlein von Rom auß  
biß inn Engellandt/ fo frey-  
willig ins Netz geloffen/ ha-  
ben fie es doch mit all jhrer  
Witz vnd Pratick weiter nit  
gebracht/ als daß fie ob jhm  
zu abfchewlichen Metzgern/  
Er aber zum lobwürdigen  
Martyrer/ vñ zugleich dem  
Büchlein ein folcher Nam  
hierdurch gemacht worden/  
dergleichen es nimmermehr  
hett haben können/ wann  
Campianus nicht darvont-  
wegen fein Leben gefetzt/  
vnnnd gleichfam mit der Ru-  
bric vnnnd roter Dinten fei-  
nes eigenen Bluts intitulirt  
vnd geziert hette.

Trag derhalben keinen  
Zweiffel/

K7<sup>r</sup>

---

An den Chriflichen Lefer.

Zweiffel/ diefe erft jetzo von  
nagelnewen Teutfchuertier-  
te Editiō werde dir/ Chrif-  
licher Lefer/ nicht allein lieb  
vnnd angeneh/ fonder auch  
nutz vñ fůrtrefflich fein/ fůr-  
nemblich zu dem Ziel vnnd  
End/ daß du alle Sectifche  
Jrrthumben hinlegen/ ver-  
hüten/ vnnd in dem Catho-  
lifchen Glauben feliglich  
leben vnnd fterben  
kōndteft.

E D

S8<sup>v</sup>

---

Schlußrede.

DA habt jhr von  
mir/ fürtreffliche A<sup>d</sup>  
cademici, diß klein  
Gefchenck/ einzeler weiß auff  
der Reiß zufammen getragen.  
Mein Gemüt war/ mich bey  
euch alles Vbermuths zu pur<sup>r</sup>  
gieren/ darneben aber/ wie vnd  
warauff ich mich verlaße/ zu<sup>r</sup>  
erklären. Vnd alfo derweiln/  
biß jhr sampt mir von der Wi<sup>d</sup>  
derpart auff die Schulen ge<sup>r</sup>  
laden wurden/ etwas zuuer<sup>r</sup>  
kosten vberreichen wöllen.  
Wann jhr das für billich/ fi<sup>r</sup>  
cher vnnd erbar erkendt/ daß  
man

S9<sup>r</sup>

---

## Schlußrede.

man Lutherum oder Calui<sup>z</sup>  
num für die Regel der heyli<sup>z</sup>  
gen Schrifft/ für den Sinn  
vnnd Verftand deß heyligen  
Geifts/ für die Norm vnnd  
Form der Kirchen/ für aller  
Concilien vnd der H. Vätter  
Zuchtmeifter/ vnd endlich für  
ein Gott aller Zeugen/ Zeiten/  
Welten vnnd Leuten halten  
foll/ fo finde ich nichts/ das  
von euch zuuerhoffen fey/ geb  
jr lefet oder höret fo vil jr wölt.  
Wann jhr aber folche Män<sup>z</sup>  
ner feydt/ wie ich euch mir inn  
meinem Gemüt fürgebildet/  
Philofophi, gewarfam/ fo jre  
Augen bey fich haben/ für fich<sup>z</sup>  
tig/ Liebhaber der Warheit/  
der

S9<sup>v</sup>

---

## Schlußrede.

der Einfalt/ der Befcheyden-  
heit/ Feind der Vermeffen-  
heit/ Fabelwercks vnd Sophi-  
fterey/ werdt jhr den Tag an  
der hellen Sonnen leichtlich  
fehen/ welche auch das wenig-  
fte Licht oder Schein/ durch  
ein enge Klüßlein vermer-  
cken kōndten. Ich wil es frey  
fagen/ was mein Liebe gegen  
euch/ vnd ewer felbs eygne Ge-  
fahr/ vnd der Sachen Wich-  
tigkeit erford<sup>rt</sup>. Der böfe Geift  
weiß wol/ daß jhr diß Licht/  
da jhr eyneft ewere Augen er-  
heben folt/ fehen wūrdet. Dañ  
was kōndte für ein gröffers  
Meerwunder feyn/ als der  
Chriftlichen Antiquitet/ oder  
alten

# S10<sup>r</sup>

---

## Schlußrede.

alten Chriftenheit/ Håmmer-  
ling/ Chårckling/ vnd derglei-  
chen Hudelmanß Gefind vor-  
ziehen? Da feynd aber etliche  
Lutherifche Labkûchlein/ durch  
die er fein Reich mehret/ vnnd  
mit welchen er/ als ein Angeln  
vnd Ghåder vmbhengt jhren  
vil auß ewer Zahl an fich gezo-  
gen/ vnnd erfifchet hat. Was  
für Ghåder? Goldt/ Gelt/  
Ehr der Welt/ Wolluft/ Wei-  
ber/ Wemdel/ Verachts. Dañ  
was ift diß Ghåder anders/  
als ftinckendes Jngeweyde  
vnnd Dårn der Erden. Ein  
fchallen der Lufft. Ein Sudel-  
kuchen der Würm vnnd alles  
Vngezifers/ fchöne Håufilin/  
die

# S10<sup>v</sup>

---

Schlußrede.

die vbel riechen. Auß/ auß/ ver<sup>z</sup>  
achts. Chriftus ift reich/ der  
wirt euch nehren/ er ift ein K<sup>o</sup>  
nig / der kan euch ehren/ er hat  
ein volle Kuchen/ der kan euch  
erfettigen/ er ift holdfelig vnd  
fch<sup>o</sup>n/ der kan vnd wirdt euch  
mit taufent Frewd vnd aller  
Seligkeit hauffenweiß vber<sup>z</sup>  
fch<sup>u</sup>tten vnd begaben. Zu difer  
Feldherrn fchreit vñ halt euch/  
damit jr mit jme als rechthoch<sup>z</sup>  
gelehrte/ vnd rechtnamhaffte  
M<sup>a</sup>nner/ den Sig vnd Tri<sup>z</sup>  
umph daruon bringt. Va<sup>z</sup>  
lete, zu Weldtftadt/  
Anno 1581.

ENDE.